



Գործ թիվ ԵԴ/0231/02/19

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԵՐԵՎԱՆ ՔԱՂԱՔԻ ԸՆԴՀԱՆՈՒՐ ԻՐԱՎԱՍՈՒԹՅԱՆ ԴԱՏԱՐԱՆԻ
ՈՐՈՇՈՒՄԸ
ԳՈՐԾԸ ՊԱՐԶԵՑՎԱԾ ՎԱՐՈՒՅԹԻ ԿԱՐԳՈՎ ՔՆՆԵԼՈՒ ՄԱՍԻՆ

10.06.2019թ.

ք. Երևան

Երևան քաղաքի ընդհանուր իրավասության դատարանի դատավոր Ռ.Վարդազարյանս, ուսումնասիրելով վարույթում գտնվող թիվ ԵԴ/0231/02/19 քաղաքացիական գործի նյութերը,

ՊԱՐԶԵՑԻ

Երևան քաղաքի ընդհանուր իրավասության դատարանի 17.01.2019թ. որոշմամբ «Հայաստանի ավտոապահովագրողների բյուրո» ՀԿ-ի հայցադիմումն ընդդեմ պատասխանողներ Նվեր Ֆահրադի Հակոբյանի և Գոռ Արամի Խալաֆյանի՝ գումար բռնագանձելու պահանջի մասին, ընդունվել է վարույթ, որի վերաբերյալ որոշումը և համապատասխան փաստաթղթերն ուղարկվել են սույն գործով կողմերին:

Դատարանն արձանագրում է, որ ներկայացվել է նվազագույն աշխատավարձի երկուհազարապատիկը չգերազանցող գումարի բռնագանձման պահանջ:

Պատասխանող Գոռ Արամի Խալաֆյանին ուղարկված դատավարական փաստաթղթերը հետ է վերադարձվել դատարան «<նման հասցե չկա>> փոստային մակագրությամբ, իսկ պատասխանող Նվեր Ֆահրադի Հակոբյանը ստացել է հայցադիմումը վարույթ ընդունելու մասին դատարանի որոշումը, սակայն հայցադիմումի պատասխան չի ներկայացրել:

Դատարանը գտնում է, որ բացակայում է գործը պարզեցված վարույթի կարգով չքննելու հիմքերը, հետևաբար պետք է գործը քննել պարզեցված վարույթի կարգով և նշանակել դատական ակտի հրապարակման ժամանակ և վայր:

Ղեկավարվելով ՀՀ քաղաքացիական դատավարության օրենսգրքի 199-200-րդ, 296-298-րդ և 361-րդ հոդվածներով՝

ՈՐՈՇԵՑԻ

Թիվ ԵԴ/0231/02/19 քաղաքացիական գործն ըստ հայցի «<Հայաստանի ավտոապահովագրողների բյուրո>> հաստատական կազմակերպության ընդդեմ պատասխանողներ Նվեր Ֆահրադի Հակոբյանի և Գոռ Արամի Խալաֆյանի՝ գումարի բռնագանձման պահանջի մասին, քննել պարզեցված վարույթի կարգով և դատական

ակտը հրապարակել 2019թ. հուլիսի 24-ին Երևան քաղաքի ընդհանուր իրավասության
դատարանում:

Որոշումն ուժի մեջ է մտնում կայացման պահից և բողոքարկման ենթակա չէ:

ԴԱՏԱՎՈՐ՝



Ռ. ՎԱՐԴԱԶԱՐՅԱՆ